

隋書經籍志



隋書經籍志

長孫無忌等撰

中華書局

叢書集成初編

隋書經籍志

中華書局出版發行

(北京王府井大街三十六號)

北京石景山區中華書局印刷廠印刷
一九八五年北京新一版
開本：七八七乘一〇九二毫米三十二分之一
統一書號：一七〇一八·一五一

隋書經籍志卷一

經籍一經

唐 長孫無忌等撰

夫經籍也者。機神之妙旨。聖哲之能事。所以經天地。緯陰陽。正紀綱。弘道德。顯仁足以利物。藏用足以獨善。學之者。將殖焉。不學者。將落焉。大業崇之。則成欽明之德。匹夫克念。則有王公之重。其王者之所以樹風聲。流顯號。美教化。移風俗。何莫由乎斯道。故曰。其爲人也。溫柔敦厚。詩教也。疏通知遠。書教也。廣博易良。樂教也。絜靜精微。易教也。恭儉莊敬。禮教也。屬辭比事。春秋教也。遭時制宜。質文迭用。應之以通變。通變之中庸。中庸則可久。通變則可大。其教有適。其用無窮。實仁義之陶鈞。誠道德之橐籥也。其爲用大矣。隨時之義深矣。言無得而稱焉。故曰。不疾而速。不行而至。今之所以知古。後之所以知今。其斯之謂也。是以大道方行。俯龜象而設卦。後聖有作。仰鳥跡以成文。書契已傳。繩木棄而不用。史官旣立。經籍於是興焉。夫經籍也者。先聖據龍圖。握鳳紀。南面以君天下者。咸有史官以紀言行。言則左史書之。動則右史書之。故曰。君舉必書。懲勸斯在。考之前載。則三墳五典。八索九丘之類。是也。下逮殷周。史官尤備。紀言書事。靡有闕遺。則周禮所稱。太史掌建邦之六典。八灋。八則。以詔王治。小史掌邦國之志。定世繫。辨昭穆。內

史掌王之八柄，策命而貳之。外史掌王之外令，及四方之志。三皇五帝之書，御史掌邦國都鄙萬民之治令，以贊冢宰。此則天子之史，凡有五焉。諸侯亦各有國史，分掌其職。則春秋傳，晉趙穿弑靈公，太史董狐書曰：趙盾殺其君，以示於朝。宣子曰：不然。對曰：子爲正卿，亡不越境，反不討賊，非子而誰？齊崔杼弑莊公，太史書曰：崔杼弑其君。崔子殺之，其弟鬪書。死者二人，其弟又書。乃舍之。南史聞太史盡死，執簡以往，聞既書矣，乃還。楚靈王與右尹子革語，右史倚相趨而過，王曰：此良史也，能讀三墳五典八索九丘。然則諸侯史官亦非一人而已，皆以記言書事。太史總而裁之，以成國家之典，不虛美，不隱惡，故得有所懲勸。遺文可觀，則左傳稱周志，國語有鄭書之類，是也。暨夫周室道衰，紀綱散亂，國異政，家殊俗，褒貶失實，墜紊舊章。孔丘以大聖之才，當傾頽之運，歎鳳鳥之不至，惜將墜於斯文，乃述易道而刪詩書，脩春秋而正雅頌，壞禮崩樂，咸得其所。自邇人萎而微言絕，七十子散而大義乖，戰國縱橫，真僞莫辨，諸子之言，紛然淆亂。聖人之至德喪矣，先王之道道亡矣。陵夷躋駁，以至于秦，秦政奮豺狼之心，剗先代之迹，焚詩書，坑儒士，以刀筆吏爲師，制挾書之令，學者逃難，竄伏山林，或失本經，口以傳說。漢氏誅除秦項，未及下車，先命叔孫通，草籙薦之儀，救擊柱之弊。其後張蒼治律曆，陸賈撰新語，曹參薦蓋公，言黃老，惠帝除挾書之律，儒者始以其業行於民間，猶以去聖既遠，經籍散逸，簡札錯亂，傳說紕繆，遂使書分爲二，詩分爲三，論語有齊魯之殊，春秋有數家之傳，其餘互有躋駁，不可勝言。此其所以博而寡要，勞而少功者也。武帝置太

史公命天下計書先上太史。副上丞相。開獻書之路。置寫書之官。外有太常、太史、博士之藏。內有延閣、廣內、祕室之府。司馬談父子世居太史。探采前代。斷自軒皇。逮于孝武。作史記一百三十篇。詳其體制。蓋史官之舊也。至于孝成。祕藏之書。頗有亡散。乃使謁者陳農求遺書於天下。命光祿大夫劉向校經傳諸子詩賦。步兵校尉任宏校兵書。太史令尹咸校數術。太醫監李柱國校方技。每一書就。向輒撰爲一錄。論其指歸。辨其訛謬。敍而奏之。向卒後。哀帝使其子歆嗣父之業。乃徙溫室中書於天祿閣上。歆遂總括羣篇。撮其指要。著爲七略。一曰集略。二曰六藝略。三曰諸子略。四曰詩賦略。五曰兵書略。六曰術數略。七曰方技略。大凡三萬三千九百九十卷。王莽之末。又被焚燒。光武中興。篤好文雅。明章繼軌。尤重經術。四方鴻生鉅儒。負裘自遠而至者。不可勝算。石室蘭臺。瀰以充積。又於東觀及仁壽閣集新書。校書郎班固、傅毅等典掌焉。並依七略而爲書部。固又編之以爲漢書藝文志。董卓之亂。獻帝西遷。圖書縑帛。軍人皆取爲帷囊。所收而西。猶七十餘載。兩京大亂。掃地皆盡。魏氏代漢。采掇遺亡。藏在祕書中外三閣。魏祕書郎鄭默始制中經。祕書監荀勗又因中經。更著新簿。分爲四部。總括羣書。一曰甲部。紀六藝及小學等書。二曰乙部。有古諸子家。近世子家。兵書。兵家。術數。三曰丙部。有史記。舊事。皇覽簿。雜事。四曰丁部。有詩賦。圖讖。汲冢書。大凡四部合二萬九千九百四十五卷。但錄題及言。盛以縹囊。書用紺素。至於作者之意。無所論辯。惠懷之亂。京華蕩覆。渠閣文籍。靡有孑遺。東晉之初。漸更鳩聚。著作郎李充以勗舊簿校之。其見存者但有

三千一十四卷。充遂總沒衆篇之名。但以甲乙爲次。自爾因循。無所變革。其後中朝遺書稍流江左。宋元嘉八年。祕書監謝靈運造四部目錄。大凡六萬四千五百八十二卷。元徽元年。祕書丞王儉又造目錄。大凡一萬五千七百四卷。儉又別撰七志。一曰經典志。紀六藝小學史記雜傳。二曰諸子志。紀今古諸子。三曰文翰志。紀詩賦。四曰軍書志。紀兵書。五曰陰陽志。紀陰陽圖緯。六曰術藝志。紀方技。七曰圖譜志。紀地域及圖書。其道佛附見。合九條。然亦不述作者之意。但於書名之下。每立一傳。而又作九篇條例。編乎首卷之中。文義淺近。未爲典則。齊永明中。祕書丞王亮監謝朓。又造四部書目。大凡一萬八千一十卷。齊末兵火延燒。祕閣經籍遺散。梁初。祕書監任昉躬加部集。又於文德殿內列藏衆書。華林園中總集釋典。大凡二萬三千一百六卷。而釋氏不豫焉。梁有祕書監任昉。殷鈞四部目錄。又文德殿目錄。其術數之書。更爲一部。使奉朝請祖暅撰其名。故梁有五部目錄。普通中有處士阮孝緒。沉靜寡慾。篤好墳史。博采宋齊已來。王公之家。凡有書記。參校官簿。更爲七錄。一曰經典錄。紀六藝。二曰記傳錄。紀史傳。三曰子兵錄。紀子書兵書。四曰文集錄。紀詩賦。五曰技術錄。紀數術。六曰佛錄。七曰道錄。其分部題目。頗有次序。割析辭義。淺薄不經。梁武敦悅詩書。下化其上。四境之內。家有文史。元帝克平侯景。收文德之書。及公私經籍。歸于江陵。大凡七萬餘卷。周師入郢。咸自焚之。陳天嘉中。又更鳩集。考其篇目。遺闕尙多。其中原則戰爭。相尋。干戈是務。文教之盛。符姚而已。宋武入關。收其圖籍。府藏所有。纔四千卷。赤軸青紙。文字古拙。後魏始

郡燕代。南略中原。粗收經史。未能全具。孝文徙都洛邑。借書於齊。祕府之中。稍以充實。暨於爾朱之亂。散落人間。後齊遷鄴。頗更搜聚。迄於天統。武平。校寫不輟。後周始基關右。外逼疆隣。戎馬生郊。日不暇給。保定之始。書止八千。後稍加增。方盈萬卷。周武平齊。先封書府。所加舊本。纔至五千。隋開皇三年。祕書監牛弘表請分遣使人。搜訪異本。每書一卷。賞絹一匹。校寫既定。本卽歸主。於是民間異書。往往間出。及平陳已後。經籍漸備。檢其所得。多太建時書。紙墨不精。書亦拙惡。於是總集編次。存爲古本。召天下工書之士。京兆韋霁。南陽杜顓等。於祕書內補續殘缺。爲正副本。藏于宮中。其餘以實祕書內外之閣。凡三萬餘卷。煬帝卽位。祕閣之書。限寫五十副本。分爲三品。上品紅瑠璃軸。中品紺瑠璃軸。下品漆軸。於東都觀文殿。東西廂構屋以貯之。東屋藏甲乙。西屋藏丙丁。又聚魏已來古跡名畫於殿後。起二臺。東曰妙楷臺。藏古跡。西曰寶臺。藏古畫。又於內道場集道佛經。別撰目錄。大唐武德五年。克平僞鄭。盡收其圖書及古跡焉。命司農少卿宋遵貴載之以船。泝河西上。將致京師。行經底柱。多被漂沒。其所存者。十不一二。其目錄亦爲所漸濡。時有殘缺。今考見存。分爲四部。合條爲一萬四千四百六十六部。有八萬九千六百六十六卷。其舊錄所取。文義淺俗。無益教理者。並刪去之。其舊錄所遺。辭義可采。有所弘益者。咸附入之。遠覽馬史。班書。近觀王阮志錄。挹其風流體制。削其浮雜鄙俚。離其疏遠。合其近密。約文緒義。凡五十五篇。各列本條之下。以備經籍志。雖未能研幾探蹟。窮極幽隱。庶乎弘道設教。可以無遺闕焉。夫仁義禮智。所以治

國也。方技數術，所以治身也。諸子為經籍之鼓吹，文章乃政化之黼黻，皆為治之具也。故列之於此志云。

○歸藏十三卷。晉太尉參軍薛貞注。周易二卷。魏文侯師卜子夏傳，殘缺，梁六卷。周易十卷。漢魏郡太守京房章句。周易八卷。漢幽薊長孟喜章句，殘缺，梁十卷，又有漢單父長段直注，周易

四卷。後漢太尉農鄭玄注，梁又有漢南郡太守馬融注，周易一卷，亡。周易五卷。漢荊州牧劉表章句，梁有漢荊州五卷，從事宋思注，周易十卷，亡。周易十一卷。漢司空苗爽注。周易十

卷。魏衛將軍王肅注。周易十卷。魏尚書郎王弼注，六十四卦六卷，韓康伯注，繫辭以下三卷，王弼又撰易略例一卷，梁有魏大司農卿董遇注，周易十卷，魏散騎常侍荀焯注，周易十卷，亡。周易十卷。吳太常

四卷。晉儒林從事黃頌注。周易九卷。吳侍御史虞翻注。周易十五卷。吳魏林太守陸績注。周易十卷。晉散騎常侍于寶注。周易三卷。晉驃騎將軍王廙注，殘缺，梁有十卷。

周易八卷。晉著作郎張璠注。周易馬鄭二王四家集解十卷。○周易荀爽九家注十卷。○周易楊氏集二王

注五卷。梁有集馬鄭二王解十卷，亡。周易十卷。蜀才注，梁有齊安參軍費元注，周易九卷，謝氏注，周易八卷，尹濬注，周易六卷，亡。周易十卷。後魏司徒崔浩注。周易十卷。梁處士何胤注，梁有臨海

令伏曼容注，周易八卷，侍中朱异集注，周易一百卷，又周易集注三十卷，亡。周易七卷。姚規注。周易十三卷。崔觀注。周易一帙十卷。虞氏注。周易

繫辭二卷。晉桓胤注。周易繫辭二卷。謝萬等注。周易繫辭二卷。晉太常韓康伯注。周易繫辭二卷。梁太中大夫宋書注，又有宋東陽太守大伯玉注，繫辭二卷，亡。

周易繫辭二卷。荀爽注。周易集注繫辭二卷。梁有宋大中大夫徐愛注，繫辭二卷，亡。周易音一卷。東晉太子南李軌弘範撰。周易音一卷。東晉尚書郎李軌弘範撰。

周易音一卷。范氏撰。周易并注音七卷。祕書學士陸德明撰。周易盡神論一卷。魏司空鍾會撰。梁有周易無互體論三卷。鍾會撰。周易象論三卷。晉尙書

周易卦序論一卷。晉司徒右長史楊父撰。周易統略五卷。晉少府卿鄒湛撰。周易論二卷。晉馮翊太守阮渾撰。周易論一卷。晉荊州刺史宋儋撰。梁有擬周易說

八卷。范氏撰。周易宗途四卷。于寶撰。周易問難二卷。于氏撰。周易問答一卷。楊州從事徐伯珍撰。周易難王輔嗣義一卷。晉楊州刺史顧夷等撰。周易雜論十四卷。亡。周易義一卷。宋陳令

易論十卷。齊中書郎周顥撰。梁有三十卷。亡。周易論四卷。范氏撰。周易統略十卷。崔觀撰。周易爻義一卷。于寶撰。周易乾坤義一卷。

齊步兵校尉劉瓛撰。梁又有齊臨沂令李玉之梁釋法通等乾坤義各一卷。亡。周易大義二十一卷。梁武帝撰。周易幾義一卷。梁南平王撰。梁有周易疑通五卷。宋中散大夫何遜之撰。周易四德例一卷。劉瓛撰。

周易大義一卷。梁有周易錯八卷。京房撰。周易日月變例六卷。虞翻撰。陸績撰。周易卦象數旨六卷。東晉樂安亭侯李顥撰。周易又一卷。馬摛撰。亡。周易大義二卷。陸德明撰。周易釋序義三

卷。周易開題義十卷。梁蕭統撰。周易問二十卷。周易義疏十九卷。宋明帝集羣臣講。梁又有國子講易議六卷。宋明帝集羣臣講易義疏二十卷。齊永明國學講。周易講疏

二十六卷。又周易義三卷。沈林撰。周易講疏三十五卷。梁武帝撰。周易講疏十六卷。梁五經博士褚仲都撰。周易義疏十四卷。梁都官尙書蕭子政撰。周易繫

辭義疏三卷。蕭子政撰。周易講疏三十卷。陳諧議參軍張機撰。周易文句義二十卷。梁有擬周易義疏十三卷。周易義疏十六卷。陳尙書左僕射周弘正撰。

周易私記二十卷。○周易講疏十三卷。

國子祭酒何安撫

周易繫辭義疏二卷。

劉瓛撰

周易繫辭義疏一卷。

梁武帝撰

周易

繫辭義疏二卷。

蕭子政撰。梁有周易乾坤三象周易新圖各一卷。文周易普玄圖八卷。許景和撰。周易大演通統一卷。顏氏撰。

周易譜一卷。

石六十九部五百五十一卷

通計亡書合九十四部六百二十九卷

昔宓戲氏始畫八卦，以通神明之德，以類萬物之情，蓋因而重之，爲六十四卦，及乎三代，實爲三易。夏曰連山，殷曰歸藏，周文王作卦辭，謂之周易。周公又作爻辭。孔子爲彖、象、繫辭、文言、序卦、說卦、雜卦，而子夏爲之傳，及秦焚書，周易獨以下筮得存。唯失說卦三篇。後河內女子得之，漢初傳易者有田何。何授丁寬，寬授田王孫，王孫授沛人施讎，東海孟喜，琅邪梁丘賀。由是有施、孟、梁丘之學。又有東郡京房，自云夢易於梁國，焦延壽別爲京氏學。皆立。後罷。後漢施、孟、梁丘、京氏凡四家並立，而傳者甚衆。漢初又有東萊費直傳易，其本皆古字，號曰古文易，以授琅邪王璜。璜授沛人高相，相以授子康。於蘭陵，母將永，故有費氏之學。行於人間，而未得立。後漢陳元、鄭衆皆傳費氏之學。馬融又爲其傳，以授鄭玄。玄作易注，荀爽又作易傳。魏代王肅、王弼並爲之注。自是費氏大興，高氏遂衰。梁丘、施氏、高氏亡於西晉。孟氏、京氏有書無師。梁、陳、鄭玄、王弼二注列於國學。齊代唯傳鄭義。至隋，王注盛行，鄭學浸微。今殆絕矣。歸藏漢初已亡。案晉

中經有之。唯載卜筮，不似聖人之旨。以本卦尚存，故取貫於周易之首，以備殷易之缺。

古文尚書十三卷。漢臨淮太守孔安國傳。今字尚書十四卷。孔安國傳。尚書十一卷。馬融注。尚書九卷。鄭玄注。尚書十一卷。王肅注。尚書

十五卷。晉祠部郎謝法雅撰。集解尚書十一卷。李頴注。集釋尚書十一卷。宋給事中姜道盛注。古文尚書彙典一卷。晉豫章太守范甯注。梁有尚書十卷。范甯注。亡。

尚書亡篇序一卷。梁五經博士劉叔嗣注。梁有尚書二十一卷。劉叔嗣有又有尚書新集序一卷。亡。尚書逸篇二卷。鄭玄注。古文尚書音一卷。徐邈撰。梁有尚書音五卷。孔安國。鄭玄。李

軌。徐邈撰。今文尚書音一卷。祕書學士顧彪撰。尚書大傳三卷。鄭玄注。大傳音二卷。顧彪撰。尚書洪範五行傳論十一卷。漢光祿大夫劉

尚書駁議五卷。王肅撰。梁有尚書義問三卷。鄭玄。王肅及晉五經博士孔晃撰。尚書釋問四卷。魏侍中王粲撰。尚書王氏傳問二卷。尚書義二卷。范順問吳太尉劉毅答。亡。尚書新釋二卷。李頴撰。尚書

百問一卷。齊太學博士顧彪撰。尚書大義二十卷。梁武帝撰。尚書百釋三卷。梁國子助教葉衡撰。尚書義三卷。葉衡撰。尚書義疏十卷。梁國子助教費

勉。梁有尚書義疏四卷。晉樂安王友悅撰。亡。尚書義疏三十卷。蕭齊司徒蔡大寶撰。尚書義注三卷。呂文優撰。尚書義疏七卷。優撰。尚書述義二十卷。

國子助教劉炫撰。尚書疏二十卷。顧彪撰。尚書問義一卷。劉先撰。尚書義三卷。劉先撰。尚書釋問一卷。虞氏撰。尚書文外義一卷。

尚書

右三十二部二百四十七卷。

通計亡書合四十一部共二百九十六卷。

書之所興。蓋與文字俱起。孔子觀書周室。得虞夏商周四代之典。刪其善者。上自虞。下至周。爲百篇。編而序之。遭秦滅學。至漢。唯濟南伏生口傳二十八篇。又河內女子得秦晉一篇。獻之。伏生作尙書傳四十一篇。以授同郡張生。張生授千乘歐陽生。歐陽生授同郡兒寬。寬授歐陽生之子世。世傳之。至曾孫歐陽高。謂之尙書歐陽之學。又有夏侯都尉。受業於張生。以授族子始昌。始昌傳族子勝。爲大夏侯之學。勝傳從子建。別爲小夏侯之學。故有歐陽。大小夏侯三家並立。訖漢東京。相傳不絕。而歐陽最盛。初漢武帝時。魯恭王壞孔子舊宅。得其末孫惠所藏之書。字皆古文。孔安國以今文校之。得二十五篇。其秦晉與河內女子所獻不同。又濟南伏生所誦有五篇相合。安國並依古文開其篇第。以隸古字寫之。合成五十八篇。其餘篇簡錯亂。不可復讀。並送之官府。安國又爲五十八篇作傳。會巫蠱事起。不得奏上。私傳其業於都尉朝。朝授膠東庸生。謂之尙書古文之學。而未得立。後漢扶風杜林傳古文尙書。同郡賈逵爲之作訓。馬融作傳。鄭玄亦爲之注。然其所傳唯二十九篇。又雜以今文。非孔舊本。自餘絕無師說。晉世祕府所存。有古文尙書經文。今無有傳者。及永嘉之亂。歐陽。大小夏侯尙書並亡。濟南伏生之傳。唯劉向父子所著五行傳是其本法。而又多乖戾。至東晉。豫章內史梅賾。始得安國之傳。奏之時。又闕舜典一篇。齊建武中。吳姚興方於大桁市得其書。奏上。比馬鄭所注多二十八字。於是始列國學。梁陳所講。有孔鄭二家。齊代唯傳

鄭義至隋孔鄭並行而鄭氏甚微自餘所存無復師說又有尙書逸篇出於齊梁之間考其篇目似孔壁

中書之殘缺者故附尙書之末○韓詩二十二卷漢常山太傅韓嬰薛氏章句韓詩翼要十卷漢侯苞傳韓詩外傳十卷梁有韓詩譜二

卷詩神泉一卷漢有道徵士胡暉撰毛詩二十卷漢河間太守毛萇傳鄭氏箋毛詩二十卷王肅注梁有毛詩二十卷鄭玄王肅合注毛詩二十卷謝沈注毛詩二十卷晉兗州別駕江熙注亡集

注毛詩二十四卷梁桂州刺史崔靈恩注梁有毛詩序一卷梁隱居先生陶弘景注亡毛詩箋音證十卷後魏太常卿劉芳撰梁有毛詩音十六卷徐邈等撰毛詩音二卷徐邈撰毛詩音隱一卷于氏撰亡毛

詩并注音八卷祕書學士晉世遠撰毛詩譜三卷吳太常卿徐整撰毛詩譜二卷太叔求及劉炫注謝氏毛詩譜鈔一卷梁有毛詩雜議雜十卷漢侍中賈逵撰亡

毛詩義問十卷魏太子文學劉祐撰毛詩義駁八卷王肅撰毛詩奏事一卷王肅撰有毛詩問難二卷王肅撰亡毛詩駁一卷魏司空王基撰殘缺梁

譜合八卷又毛詩釋義十卷謝沈撰毛詩義四卷毛詩箋傳是非二卷並魏祕書郎劉瓛撰毛詩答雜問七卷吳侍中韋昭侍中朱育等撰毛詩義注四卷亡毛詩異同評十卷晉長沙太守孫毓撰難孫氏毛詩評

四卷晉徐州從事陳統撰梁有毛詩表隱二卷陳統撰亡毛詩拾遺一卷郭璞撰梁又有毛詩略四卷亡毛詩辯異三卷晉給事郎楊又撰梁有毛詩背隱義二卷宋中散大夫徐廣撰毛詩引辨一卷宋奉朝請

孫暢之撰毛詩釋一卷宋金紫光祿大夫何偃撰毛詩檢漏義二卷梁給事郎謝靈濟撰毛詩總集六卷毛詩隱義十卷並梁處士何胤撰亡毛詩異義二卷揚又撰梁有毛詩雜義五卷楊又撰毛詩義疏十卷謝沈撰毛詩雜義四卷晉江州刺史

殷仲堪撰毛詩義毛詩集解敘義一卷顧歡等撰毛詩序義二卷宋通直郎雷次宗撰梁有毛詩義一卷雷次宗撰毛詩序注疏五卷張氏撰亡毛詩序義七卷孫暢之撰亡毛

詩集小序一卷

劉炫注

毛詩序義疏一卷

劉瓛撰。殘缺。梁三卷。梁有毛詩篇次義一卷。劉瓛撰。毛詩雜義注三卷。亡。

毛詩發題序義一卷

梁武帝撰

毛詩大義

十一卷

梁武帝撰。梁有毛詩十五卷。國風義三十卷。梁簡文帝撰。

毛詩大義十三卷

鳥程令吳郡陸機撰。

毛詩義疏二十卷

舒援撰。

毛詩誼府三卷

後魏安豐王元延明撰。

毛詩義疏二十八卷

晉歸歆撰。常侍沈重撰。

毛詩義疏二十卷

○毛詩義疏二十九卷。○毛

詩義疏十卷

○毛詩義疏十一卷。○毛詩義疏二十八卷。○毛詩述義四十卷。

國子助教劉炫撰。

毛詩章句義疏

四十卷

晉世遠撰。

毛詩釋疑一卷

梁有毛詩圖三卷。毛詩孔子經圖十一卷。毛詩古聖賢圖二卷。亡。

業詩二十卷

宋本朝請葉遵注。

右三十九部四百四十二卷

通計亡書合七十六部六百八十三卷。

詩者所以導達心靈。歌詠情志者也。故曰：在心為志，發言為詩。上古人淳俗樸，情志未惑，其後君尊於上，臣卑於下，面稱爲諂，目諫爲謫，故誦美譏惡，以諷刺之。初但歌詠而已，後之君子，因被管絃，以存勸戒，夏般已上，詩多不存。周氏始自后稷，而公劉克篤前烈，太王肇基王迹，文王光昭前緒，武王克平殷亂，成王周公，化至太平，誦美盛德，踵武相繼，幽厲板蕩，怨刺並興，其後王澤竭而詩亡，魯太師摯次而錄之，孔子刪詩，上采商，下取魯，凡三百篇，至秦獨以爲諷誦，不滅。漢初有魯人申公，受詩於浮丘伯，作詁訓，是爲魯

詩齊人韓固生亦傳詩是爲齊詩燕人韓嬰亦傳詩是爲韓詩終於後漢三家並立漢初又有趙人毛萇善詩自云子夏所傳作詁訓傳是爲毛詩古學而未得立後漢有九江謝曼卿善毛詩又爲之訓東海衛敬仲受學於曼卿先儒相承謂之毛詩序子夏所創毛公及敬仲又加潤益鄭衆賈逵馬融並作毛詩傳鄭玄作毛詩箋齊詩魏代已亡魯詩亡於西晉韓詩雖存無傳之者唯毛詩鄭箋至今獨立又有業詩奉朝請業遵所注立義多異世所不行

周官禮十二卷

馬融注

周官禮十二卷

鄭玄注

周官禮下二卷

王肅注

周官禮十二卷

伊說注

周官禮十二卷

子寶注梁又有周官宗朔

新書八卷晉燕王師李燾約撰亡

集注周官禮二十卷

崔靈恩注

禮音三卷

劉昌宗撰

周官禮異同評十二卷

晉司空長史陳劭撰

周官禮駁難四卷

孫略撰梁有周官駁難三卷孫琦問于宣徽晉散騎常侍虞喜撰

周官禮義疏四十卷

沈重撰

周官禮義疏十九卷

周官禮義疏十卷

周官禮

義疏九卷周官分職四卷

梁有郊祀圖二卷亡

周官禮十四卷

鄭玄注

儀禮十七卷

鄭玄注

儀禮十七卷

王肅注梁有李勣劉昌宗音各一卷鄭玄音二

儀禮義疏見二卷

儀禮義疏六卷

喪服經傳一卷

馬融注

喪服經傳一卷

鄭玄注

喪服經傳一卷

王肅注

喪

服經傳一卷

晉徐事中哀華注

集注喪服經傳一卷

晉盧陵太守孔倫撰

喪服經傳一卷

陳銓注

集注喪服經傳一卷

宋太中大夫裴松之撰

略

注喪服經傳一卷。雷次宗注。集注喪服經傳二卷。宋丞相許謫參軍蔡超宗注。梁又有喪服經傳一卷。宋徵士劉道拔注。集解喪服經傳二卷。齊東平太守田僧紹解。

喪服義疏二卷。梁步兵校尉五經博士賀瑤撰。梁又有喪服經傳義疏五卷。齊散騎郎司馬徽撰。喪服經傳義疏二卷。齊給事中樓幼瑜撰。喪服經傳義疏一卷。劉瓛撰。喪服經傳義疏一卷。齊徵士沈麟士撰。喪服經傳義疏一卷。陳國子助陳皇侃撰。喪服義十卷。陳國子祭酒謝瞻撰。喪服義鈔三

疏一卷。梁尚書左丞何佟之撰。喪服傳一卷。梁通直郎裴子野撰。喪服文句義疏十卷。陳國子助陳皇侃撰。喪服義十卷。陳國子祭酒謝瞻撰。喪服義鈔三

卷。梁有喪服經傳隱義一卷。喪服要記一卷。王肅撰。喪服要記一卷。蜀丞相蔣琬撰。梁有喪服變除圖五卷。吳齊王傳射慈撰。喪服要集二卷。晉征南將軍杜預撰。又有喪服要記

二卷。晉侍中劉逵撰。喪服儀一卷。晉太保衛瓘撰。梁有喪服要六卷。晉司空賀循撰。喪服要問六卷。劉德明撰。喪服三十一卷。宋員外郎散騎常侍劉逵撰。喪服要問二卷。張纘撰。喪服雜問六卷。崔凱撰。喪服雜記二十卷。伊氏撰。喪服釋疑二十卷。喪服要略一卷。晉太學博士張濟撰。喪服要略二卷。○喪服制要一卷。徐氏撰。

服譜一卷。鄭玄注。喪服譜一卷。晉開府儀同三司裴謨撰。喪服變除一卷。晉散騎常侍葛洪撰。凶禮一卷。晉廣陵相孔衍撰。喪服

要記十卷。賀循撰。梁有喪服要記。宋員外常侍庾蔚之注。又喪服世要一卷。庾蔚之撰。喪服集議十卷。宋撫軍司馬費沈撰。喪服古今集記三卷。齊大尉王儉撰。喪服世行要記十卷。齊

喪服答要難一卷。袁祈撰。喪服記十卷。王氏撰。喪服五要一卷。殷氏撰。駁喪服經傳一卷。卜氏撰。喪服疑問一卷

蘇大夫 喪服答要難一卷。袁祈撰。喪服記十卷。王氏撰。喪服五要一卷。殷氏撰。駁喪服經傳一卷。卜氏撰。喪服疑問一卷